

Ukautait Naituutainut

Kanatami Inuligiyyit (CIRNAC)

Kanatami Inuligiyyit (CIRNAC) piliktut kimilguuktiit kimilguukhimayait Iniktigutainut Avatiligiyyit Ukautikhainik (FEIS) Ilanganut uyagakhiuktiit Sabina Gold & Silver Corp. (Sabinakut) Haningayumi Hanayakhait Kuliligiyyit Havakviani ovalo ikayugutikhait makpigaat. CIRNACKut kuviahuktut tunivlutik Nunavumi Avatiligiyyit (NIRB) Kimilguuktiit Kimilguukhimayait Ukautainik (TRCs).

Hamna tuniniaktait naituutait iniktikhimayait CIRNACKut kimilguuktiit kimilguukhimayait Haningayumi Hanayakhait Kuliligiyyit Havakviinit FEISnik Ilahimayait, ihumagivlugit aalat atukhimayut makpigaat tunihimayait Sabinakut.

Ilanganut, tuhagutikhait, kimilguukhimayait ovalo tunihimayait hanalgutiit ilanganut Hangingayuk Hanayakhait Kuliligiyyit Havakviit FEISni Ilahimayait ovalo ikayugutikhait makpigaat tunihimayainut. Kihimi, Haningayuk Hanayakhait Kuliligiyyit Havakviit hanahimayainik hanatautitlugit, nalunakhihimayut mikhaanut pilaagutainik ikpinagutait ovalo pilaaktainut naunaiyautikhait. Ilaani, ilangit uktugumayait havagumayainut nalugiyait ukautainut ovalo kimilguufaagutikhait.

CIRNACKut kimilguuniaktait kimilguukhimayut ikpinagutainik Haningayuk Hanayakhait Kuliligiyyit Havakviit avatiligiyingit pihimayut Kulini (10) TRC ovalo pitkuhimayait ihumagiyaayukhat NIRBkunit ovalo Sabinakunit. Hapkoa TRC ukakhimayut ukautainut hamani tuhaktitait ovalo naituutihimayut hamani:

1. Pifaagumayut tuhagutikhainik Sabinakunit nunainit kimilguugutait ilanganut ihuakhimayait Hanayakhait Hanatiligiyyit Nunaini (PDA) ikayugiaganik Sabinakut Kimilguukhimayait ovalo iniktigutait.
2. Ilangit tuhagutikhait piniaktut nunat ataani kikihimayut nunauyainik ovalo kungiaktainik mikhaanut uktugumayait atuklutik anugituutainik kulikhainut iniktigutikhait, hikinimit kuliligitikhait ovalo ilauyut havakaatigiigutikhainut.
3. Haningayuk Hanayakhait Iniktigutait (PC) 007 T&C #12 ovalo T&C #13 ihuakhaniaktut ilaulugit piniaktainik kungiagutikhait ikpinagutainik nutaat havaniaktainik (ilaa; anugimut kuligutikhait ovalo hikinimit havakatigiigutikhait) nunat ataani kikihimayunut ovaluniit nunait kanugitjutikhait.
4. Ilanginik ukafaagutikhait piyumayait Sabinamit angigumik naniiniaktut tamamik pingahut imaini ikaakviit iluani PDAmi, ovalo ihuakhakhimayut munagitjutikhait paknaiyautikhainut maligiaganik pitkuhimayait TYPE A Imit Laisinsikhait (2AM-BRP1831 Amendment No.1) ovalo Ikaluligiyyit Pikuyainit Pitkuhimayut (12-HCAA-CA7-00007) ovalo piniaktainik naunaiyklutik hamani Haningayuk Hanayakhait Kuliligiyyit Havakviit FEISnik Ilangit.
5. Ukafaaktukhat piniaktut kuviviinut namut tagiungani Keelinguyaup, ilaumata kuviviit pikataktainik imainut ovalo ilauyut ikpinagutait.
6. Ihuakhakhimayut Nunaani Imit Kungiagutikhait ovalo Munagitjutikhait Paknaiyautaini uktugumayainik ihuakhakhimayut inikhimalgumik piyaanganik uktugumayait Ihuakhautait.
7. Ilakhainik tuhagutikhait piniaktut pigumik nunauyainut ovalo nunakpaanut, ilauniaktut hugaat minguiikhiyumayait ihumaalugiyait ilangani ihuakhakhimayait PDAmi, kimilguugiaganik ikpinagilaaktait nunauyainut ovalo atugutait ihuakhaktakhainik naunaiyautait.
8. Ihuakhakhimayut Nunauyait Kungiagutait Paknaiyautaini uktugumayait ihuakhakhimayait piyumayait piyaaganik aatjikutainut uktugumayainik Kuliligiyyit Havakviit hanayakhait.

9. Ihuakhakhimayait atulaktut Umiktigutikhait ovalo Utiktigutikhainik Paknaiyautait uktugumayainut piyumayait piyaanganik aatjikutainut Umiktaagumik Piyakhainik mikhaanut ukhukyaligiit inikutainit halumaikthimayut.
10. Ihuakhakhimayait Nunait Umiktigutait ovalo Ikakuukviit Munagitjutikhait Paknaiyautainut uktugumayainik ihuakhaitjutikhait piniaktut piyaanganik atugutikhaini Nunavumi ovalo Kavamatukatku ni maligutainik aninaktukaktut ikakuukviit.

Ikaluligiit ovalo Tagiuliligiit Kanatami (DFO)

Ikaluliligiit Kanatami Kavamatukatku munagiyaat munagilugit Kanatami pingahut tagiungit ovalo imait. Ikaluliligiit Kanatami Ikaluit ovalo imayait Munagitjutikhait Pilihimayut kimilguuniaktait hanatiligiit hanayakhait pihimalutik iluani ovalo haniani Ikaluit imayait.

Ikaluliligiit Kanatami naunaiyakhimait kimilguuktitlugit Iniktigutait Avatiligiit Ikpinautait Ukautainik Ilaahimayait ovalo Ilangit Makpigaat.

Ikaluliligiit Kanatami nalungitut Hananiaktait uktugumayait ililutik pingahunik ikaakvikhainik imait. Ikaakviit pilaamata ihuinaalaaktunik ikalunut, ikaluit imayainut hanauyangitkumik, angitjutainik ovalo iliniaktainik ihuaktumik. Ikaluliligiit Kanatami pitkuhimayut Hananiaktait tunilutik hunmat atuniaktut ikaakvikhainik kihimi kaanganut ikaakviinik hanatitlugit apkotinainik ovalo pitkuhimayut Hanayakhait atulaagutainik ikaluit imaiyagaagamik, kitkaniagaagamik ovalo imakpiagaagamik hanauyaligamik imanut ikaakviit.

Kingulik ikaakviit hanauyakhimayait tuniniaktut Ikaluliligiit Kanatami kimilguugiaganik. Tunihimayut ikaakviit hanianiitut angitjutait ovalo iliniaktait ovalo munagitjutikhait naunaiyautainut atuniaktut, Ikaluliligiit Kanatami angikhimayut Kinguliani Avatiligiit Ikpinautait Ukautainik Ilaniaktut inikhimayut kuvitjutait ikpinautainik piniaktut hanaligumik ikaakvikhainik aatjikutauniaktut nunaini ovalo "Ihumaalugingitait" pipkailainamik tukutjutainik ikaluit ovaluuniit aalanguktiklugit, nutkakingilugit ovalo ahiguutlugit ikaluit imayainut.

Avatiligiit ovalo Hilat Aalanguktiligiit Kanatami (ECCC)

ECCCkut tunihimayut ayongitunit tuhagutikhait ovaluniit kauyimayainik Nuanvumi Avatiligiit pitkuhimayait ataaniitut Ilangani 12 *Nunavumi Nunataagutinit* ovalo Ilangani 197 *Nunavumi Paknaiyaiit ovalo Hanayakhait Kimilguuktiit Pikuyakyuat*. Hamna ilauniaktut ikayugutikhainik hanayakhait kimilguugutainit, hilat aalanguktigutait, hilat kanugitjutait, imat kanugitjutait, nunauyait, avatilingit paknaiyautait ovalo ayokhalaagutait. Kimilguukhimayavut hananiaktut kanugitjutikhait avatiligiinut ikpinalaagutait ovalo ihuakhaitjutikhait naunaiyautait ovalo ikayukhimayait tamamik.

ECCCkut ilaukatauhimayut tamamik ilanganut Haningayumi Hanayakhait Kuliligiit Havakviit kimilguugutainut ilanganik.

Hapkoa Kimilguuktiit Kimilguukhimayait ukautait ilauniaktut ECCCkunut ikayugutait mikhaanut Hananiaktut kimilguugutainut hamani hanayakhait avatiligiinut ikpinautait ovalo uktugumayait ihuakhaitjutikhait. Naunaiyakhimayugutlu inikhimaitunik ihumaalugutait ovalo pitkuhimaliktut Katimayit ihumagiyakhainik.

ECCCkut ukakhimayut nutkangilutik Hananiaktunut piniaktainik ikpigilugit atuniaktainik tamamik Kavamatukatku maligaliligiit.

ECCCkut ukakhimayait ovalo pitkuhimayait mikhaanut hamani:

- Ukafaalugit kanuginiaktut anugit kuliligitikhait inikutikhait;

- Ukafaalugit atuniaktait ihuakhaitjutikhait naunaiyautait ovalo kimilguugutikhait takuhimaniaktut;
- Ilaukatigihimayavut titigaktitlugit Kaikataktut Tingmiat Munagitjutikhainut Paknaiyautait; ovalo
- Iniktigutait takulaaktait tuhagutikhainik Umayut Ihuakhaitjutikhait ovalo Kungiagutikhainut Paknaiyautikhait.

Aniaktitailigiyyit Kanatami (HC)

Aniaktitailigiyyit Kanatami Kavamatukatkut munagiyyit munagiyut ikayuklutik Kanatamiunut pihimayakkhait ovalo ihuakhayakhait Aniaktitailigiyyinut. Aniaktitailigiyyit Kanatami pihimaliktut kimilguuktiit kimilguukhimayainik Sabina Gold & Silver Corpkut Hanayakhait Uktugumayainut (Hanayakhait), ilanganut Nunavumi Avatiligiyyit (NIRBkut) ihumagiyyainik Hanayakhait Iniktigutait No. 007. Aniaktitailigiyyit Kanatami tuniniaktut ayongitunit ovaluniit ayoitunit tuhagutikhainik ovaluniit kauyimayainik NIRBkunut aniktilaagutait Inunut aniaktitailigiyyit ilauyut uktugumayait Hanayakhait ihuakhaihimayut.

Mikhaanut Hanayakhait, HCKut piniaktut kimilguuktiit kimilguukhimayait nunaini hilat kanugitjutait, nipiit, imat kanugitjutait, Inuit aniaktilaagutait kimilguugutainik ovlaot aninaktuliit nunaini nikikhaiat. Kimilguukhimayainut, HCKut kimilguukhimayut kimilguugutait pilaagutainik aniatilaagutit ikpinagutait ublumi ovalo hivunikhaini avatiligiyyit kanugitjutait pihimayut Uktugumayainit. Kimilguuktiit kimilguuktitlugit Sabina Haningayuk Hanayakhait Kuliligiyyit Havakviit 2023mi Iniktigutait Avatiligiyyit Ikpinagutainut Ukautait (FEIS) Ilahimayait ovalo ikayuguaat tutkukhimayut, HCKut naunaiyakhimayut hapkoninga ihumagiyyainik:

- Nipiit ihuakhaitjutikhait atugutainik ilihimayukhaat tunilutik ihuakhaitjutikhainik tuhagumik nipaakpalaagutainut.
- Ihuaktut ovalo pikataniaktait ilautjutait Nunakakaakhimayut Ilauyut pinniaktut naunaiyagiaganik Hanayakhait ikpinalaagutainik Inunut tuhaatjutainik.

Pitkutiligiyyit Kanatami (NRCan)

Pitkutiligiyyit Kanatami havaktut ihuakhainahuakhutik naamagutikhait Inuuhiinut Kanatamiut pinahuakhutik pitkutiligiyyit hanayauniaktut tamaktitailigilutik, tunilutik havaakhainik, maniliugutikhainik ovalo pilaagutainik, tamaktitaililutik avatiligiyyivut ovalo ikpigilugit nunalaat ovalo Nunakakaakhimayut. Minista Pitkutiligiyyini munagiyuumat Ministainut ataani *Nunavumi Hanayakhait Paknaiyaiyyit ovalo Kimilguugutait Pikuyakyuat* tuninialigaagamik kagaktuutainik laisinsikhait ataani Kagaktaaligiyyit Pikuyakyuat. Pitkutiligiyyit Kanatami hivuliktiuyut kuliligiyyit pilaaktainik ovalo tunikhaitjutainik; uyagaligiyyit ovalo uyagakhiuktiit; nunat kauyiyainik; kuliligiyyit nakuutjutainik; ovalo kauyimayainik ovalo katitigugutait.

Pitkutiligiyyit Kanatami kimilguukhimayait Hanayakhait Kinguliit Avatiligiyyinut Ikpinagutait Ukautait Ilahimayait ovalo ukautikangitut Kimilguuktiit Kimilguukhimayait ublumi.

Ingilgaligiyyit Kanatami (TC)

Ingilgaligiyyit Kanatami pihimayut kimilguuktiit kimilguukhimayait Hanayakhait ilanganut NIRBkut ihumagiyyainik Haningayuk Koliliit Uyagakhiukvikhait Hanayakhait Iniktigutait 007. Ingilgaligiyyit Kanatami tunihimayut Katimayainut Kimilguuktiit Kimilguukhimayait Ukautainik naunaiyautainut Hanayakhait maliktakhait munagiyaaganik Hanayakhait pilaaktainik ikpinagutait hilaamut.

Ingilgaligiyyit Kanatami tunihimayait naituutihimayut maliktakhainik ovalo havaktakhainik ovalo munagiyyainik atulaaktait Hanayakhait. Ingilgaligiyyit Kanatami tunihimayut ukautainik piniaktut *Kanatamiut Tingmitjutainik Maligaliligiyaikhait* atulaaktut Hanayakhait ovlaot Katimayait Kimilguugutait.

Ilihimagunik *Kanatamiut Tingmitjutainik Maligaliligiyiit* ilangani 601.23nit 601.29nut, Hananiaktut naunaiyaktukhat ovalo ililugit anugimit kuliligutikhait havakviit pitkungilugit tingmitjutikhait tingmiat.

Ingilgaaligiyyiit Kanatami Kimilguuktiit kimilguukhimayait Ukautait tunihimagut ukautikaktut hamani tunihimagainut naitumik:

- Malikhugit *Kanatamiut Tingmiatjutait Maligaliligiyiit* ilangani 601.24, Hananiaktut iniktakhait ovalo tunilutik Tingmitjutikhainik Kimilguugutait makpigaat Ministamut hanianik 90ni ubluit hanatingit anuginut kuliligiyikhait havakvianik.
- Naunaiyautikhait ovalo ilitinagit anugit kuliligiyikhait havaktikhait piniaktut maliklugit Maliktaa 621 – Nutkaktilaagutainik Naunaiyautait ovalo ilitigutait – Kanatamiut Tingmialikiyyiit Maligaliligiyiit.

Ingilgaaligiyyiit Kanatami havakatiginiaktait Katimayait, Hananiaktut (Sabina Gold & Silver Corp.kut, atikaliktut ublumi B2Gold Nunavut), Inuit nunalaat ovalo havakviit ovalo aalat ilaukatauyut avatiligiyyiitut kimilguukatigiiktut tunilutik maligutikhainik ovalo ikayugutikhainik mikhaanut munagiyivut maliktainik.